

Gvangjsih Minzcuz Bau

ganhhau: CN45-0036 B.2014 Nd.10 Ng.8 liggaeuq gyapngux nienz ndwengouj cibngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3143期

Cunghyangh Aen Hoih Hong Minzcuz Nem Gozvuyen Daihroek Baez Daengx Guek Minzcuz Doxgiet Cinbu Byaujcangh Daihhoih Youq Baekging Hai

中央民族工作会议暨国务院第六次全国民族团结进步表彰大会在北京举行

9 nyied 28 daengz 29 hauh, Cunghyangh Aen Hoih Hong Minzcuz Nem Gozvuyen Daihroek Baez Daengx Guek Minzcuz Doxgiet Byaujcangh Daihhoih Youq Baekging hai.

Cunghgung Cunghyangh cungsuhgi, Guekgia cajsiz, Cunghyangh Ginhvej cajsiz Siz Ginbingz, Cunghgung Cunghyangh Cwngcigiz cangzvej, Gozvuyen cunglij Lij Gwzgyangz, Cunghgung Cunghyangh Cwngcigiz cangzvej, Daengx Guek Yinzda Cangzvejvei veijyenzcangj Cangh Dwzgyangh, Cunghgung Cunghyangh Cwngcigiz cangzvej, Daengx Guek Cwnghez cajsiz Yiz Cwngswng, Cunghgung Cunghyangh Cwngcigiz cangzvej, Cunghyangh Suhgicu suhgi Liuz Yinzsanh, Cunghgung Cunghyangh

Cwngcigiz cangzvej, Cunghyangh Gijvej suhgi Vangz Gizsan camgya baez hoih neix.

Siz Ginbingz youq gwnz hoih gangjavah, de cienzmienh faencek gij hingzseiq ndaw guek rog guek gvendaengz guek raeuz guh hong minzcuz de, haeujlaeg bae gangj gij fuengcim hung guek raeuz youq duenh baihnaj neix guh hong minzcuz. Lij Gwzgyangz gangj le gyavaiq fazcanj dieg minzcuz, coicaenh cienzmienh guh baenz siujganh sevei. Yiz Cwngswng youq hai hoih sat seizde guh cunggez.

Baez hoih neix byaujcangh 1496 aen(boux) doenghgi cizdij minzcuz doxgiet mozfan nem doenghboux vunz minzcuz doxgiet mozfan.

Neimungzguj, Gvangjsih, Sihcang, Ningzya, Sinhgyangh 5 aen swcigih doenghboux daeuz fucwz dangj cwng de, doenghboux faen guenj hong minzcuz gak swngj gih si, Sinhgyangh Swngheanj Gensez Binghdonz nem fuswngj gaep cwngzsi, doenghboux daeuz fucwz cunghyangh nem guekgia gihgvanh mizgven bumwnz, mizgven yinzminz donzdij, doenghboux fucwz ginhdui nem vujgingj budui, doenghboux daibyauj gij cizdij nem vunz mozfan de, doenghboux daibyauj daj Yanghgangj Aumwnz Daizvanh daegbied iucingj daeuj, doenghboux yungzyi daibyauj hong minzcuz daengj daihgaiq 1100 vunz camgya baez hoih neix.

(sij/ciuq Sinhvaezse ingi/Se Vanciz/谢环驰)

SIUSIK DINJ

简讯

● 9 nyied 27 hauh, “dinfwnz dajsiuq” Nandangaj Conzdungj Yauzcuz beizyinhbanh youq Gvanyangz Yen gawjhengz haiban yizsi. Geiz beizyinhbanh neix daj 9 nyied 27 hauh daengz 29 hauh. Gyawj 40 boux mehmbwk Yauzcuz daj Dungeingj, Sihsanh song aen Yauzcuz yangh nem gij cunh Yauzcuz yanghcin wnq daeuj de gungh camgya sam ngoenz mienxfieq beizyin.

(Yang Hihyinz)

● 9 nyied 29 hauh banhaet, Sangswh Yen Minzcuzgiz youq ndaw yienh Nanzbingz Yauzcuz Yangh Gizgunhhih Gvangcangz gawjbanh “2014 nienz Sangswh Yen Nanzbingz Yauzcuz Yangh laeb yangh 30 hopbi nem ndwen senhconz《Minzcuz Gihyiz Swcifaz》- ‘minzcuz doxgiet, mbanj-ranz gyaunde’ sanhgohvei”, dang-ciengz fat saw minzcuz lijlnun 3000 faenh, senhconz soujcwz 2000 faenh hawj gak cuz ginzcung.

(Lij Yiyungi)

● 9 nyied 27 hauh, “ndangdaenj gyaunde—Gveilnz Bozvuzgvanj gij ndangdaenj saujsu minzcuz baihsaenamz ndaw gvanj yo miz de baijok hozdung” youq Vuzcouh Si Bozvuzgvanj gawjhengz. Baez neix gungh baijok 120 gienh(dauq) doenghyienh ndaw gvanj, baugvat 10 dauq ndangdaenj, 32 gienh nda, 78 dauq doenghyienh ngaenz cangndang.

(Liuz Gozwnj)

● 9 nyied 27 hauh, gicej daj Swcigih Minzvej ndaej siusik: Guekgia Minzvej fatbough daih’it buek 340 aen “Cungguek mbanj daegsaek saujsu minzcuz” an mingz venj baiz mingzloeg, gih raeuz Lungzswng Gak Cuz Swciyen Lozgyangh Yangh Mbanjdungcuz Baujcwng daengj 59 aen mbanj ndaej haeuj ndaw mingzloeg, gij soq neix baiz daengx guek daihngaih.

(Gvangjsih Yizbau)

● 9 nyied 25 hauh, “Dava Yauzcuz Vangj” cingqsiq haidoeng ndaej hwnj. Neix vih vunz Yauzcuz aen yienh neix ndaej fazcanj nem doenghboux vunz ndawbiengz yenzgiu Yauzcuz aen yienh neix daezhawj aen bingzdaiz ndeu.

(Vangz Vwnzboh)



Gvangjsih Swhfan Yozyen Daih’it Gaiq Aen Ban Cuengh Gun Song Vah Saw Hai Ban

广西师范学院首届壮汉双语班开班

9 nyied 15 hauh lajbyongh-ngoenz, Gvangjsih Swhfan Yozyen 2014 gaep aen ban Cuengh Gun song vah saw doenghboux hagseng moq haihag yizsi youq Gvangjsih Swhfan Yozyen gawj-hengz. Swcigih Gyauyuz Dingh Minzcuz Gyauyuz Cu cucangj Veiz Lanzmingz, Gvangjsih Minzcuz

Gyauyuz Fazcanj Cungsim cujyin Couh Gwzyih, Gvangjsih Swhfan Yozyen fuyaucangj Bungz Ningz camgya.

Veiz Lanzmingz naeuz, saed-hengz aen hanghmoeg dinghyienq beizyangj doenghboux lauxsae guh siujyoz Cuengh Gun song vah saw sonhag, dwg vihliux daj

goekgaen gaijgez aen vwndiz youq-gaenj gih raeuz doenghboux lauxsae guh Cuengh Gun song vah saw sonhag vunz mbouj gaeuq, cizlieng mbouj sang daengj, hawj gih raeuz minzcuz gyauyuz saehnieb ndaej caenh’itbough fazcanj.

(Fungz Aiginz/冯爱琴)